

«ՎԵՐԵՎԻ ԾՈՎԻ» ՏԵՂԱԿՐՈՒԹՅՈՒՆԸ

ՄԱՐՏԻՐՈՍ ԳԱՎՈՒԲՉՅԱՆ

Սումերա-ակկադական և ասորեստանյան արքաների սեպագիր արձանագրություններում «Վերևի ծով» տերմինը հաճախ է հանդիպում: Մերթ ապովում է, թե սովյալ արքային հաջողվել է երկրներ նվաճել մինչև «Վերևի ծովը» կամ աստվածները նրան են հանձնել «Ներքևի ծովից» մինչև «Վերևի ծով» տարածվող երկրները:

Հայտնի բոլոր արևելագետներն էլ համակարծիք են, որ «Ներքևի ծովը» Պարսից ծոցն է: Ինչ վերաբերում է «Վերևի ծովի» տեղագրությանը, ապա հետազոտողներն այս հարցում տարակարծիք են: Արևելագետներից ոմանք գտնում են, որ «Վերևի ծովը» Վանա լիճն է¹, կա նաև կարծիք, որ այն Միջերկրական ծովն է²: Որոշ գիտնականներ էլ կարծում են, թե «Վերևի ծովը» Սև ծովն է³, շնայած սեպագիր աղբյուրներում այդ կարծիքը հաստատող որևէ ուղղակի կամ անուղղակի վկայություն չկա:

Սումերական քաղաքները հակամարտ փոքր քաղաք-պետություններ էին, որոնք միմյանց դեմ տեական պիլաներ էին մղում: Այս պայմաններում դժվար թե գրանցից որևէ մեկի արքան կարողանար հասնել Սև ծով: Միջագետքյան տափաստանները հյուսիսից փակող դժվարանց լեռներն ու ռադումատենյ ջրերի դիմադրությունը հաղթահարելով Վանա լիճ հասնելը սումերական անգամ մեծագույն արքայից կաահանջեր այդ ժամանակների համար վիթխարի ուժ և մեծ խիզախություն:

Մ. թ. ա. III հազարամյակում ապրած Լուգալ-Ջագիսին՝ սումերական էրեք քաղաքի արքան, կարող էր հասած լինել Սև ծով՝ անգամ երբ իր իշխանությունն էր ենթարկել մի քանի քաղաքների: Ահա թե ինչ է գրում նա. «...Նրբ էնլիլ աստվածը, երկրների (Սումերի) արքան, Լուգալ-Ջագիսին էր հանձնել երկրների թագավորությունը և շնորհել նրան հաջողություն երկրի աչքի առաջ, և երբ նրա հզորությունը երկրներին խոնարհեցրել էր, և նա նրանց հաղթել էր արևի ծագից մինչև նրա մայրամուտը, այդ ժամանակ նա ուղիղ ճամփա բացեց Ներքևի ծովից Եփրատի ու Տիգրիսի վրայով մինչև Վերևի ծով...»⁴:

¹ Ա. Խաչատրյան, Հայաստանի սեպագիր շրջանի քննական պատմություն, Երևան, 1933, էջ 431, Ն. Ադոնց, Հայաստանի պատմություն, Երևան, 1972, էջ 349, H. B. Arv-
դյոն, Впаинили, Ереван, 1970, стр. 110.

² L. W. King, A History of Sumer and Akkad, London, 1916, p. 195.

³ Ն. Ադոնց, նշվ. աշխ., էջ 59, «Հայկական Սովետական Հանրագիտարան», հ. I, Երե-
վան, 1974, էջ 568: Լավ կլինի որ քիչ պաշտպանված վարկածները հանրագիտարանում չերևան
առանձին՝ որպես սովյալ հարցի շուրջ գոյություն ունեցող միակ տեսակետ. իհարկե, նպատա-
կահարմար է նշել այդպիսի վարկածները, բայց պայմանով, որ դրանք տեղ գտնեն սովյալ
հարցի շուրջ ավելի պաշտպանված տեսակետի կամ տեսակետների կողքին, որովհետև հան-
րագիտարանը պիտի լինի համապարփակ:

⁴ L. W. King, նշվ. աշխ., էջ 195:

1. Քիչըր քննելով այս արձանագրության բովանդակությունը, գրում է. «...Պարզ է, որ Ներքեի ծովը Պարսից ծոցն է, իսկ «Վերելի ծովը» հավանական է, որ նշված լինի Միջերկրականը, քան թե Ուրմիա լիճը կամ Վանա լիճը...»⁵։ Ինչպես տեսնում ենք, նա Լուդալ-Ջագիսիի համար Միջերկրական ծով հասնելը ավելի հեշտ է համարել, քան թե Վանա լիճը և կասկած է հայտնել սումերական այս արքայի այդքան հեռու (մինչև Վանա լիճ) գնացող նվաճումների հնարավորության մասին՝ երևի նկատի ունենալով այն մեծ դժվարությունները, որոնց նա կհանդիպեր թշնամի ռազմատենչ լեռնական ցեղերի միջով և դժվարանց լեռների վրայով Վանա լիճ հասնելու ճանապարհին։

Այս ենթադրությունը ճիշտ չէ թեկուզ այն պատճառով, որ Եփրատ ու Տիգրիս գետերով կարելի է հասնել ոչ թե Միջերկրական ծով, այլ՝ Վանա լիճ։ Մյուս կողմից՝ սումերա-ակկադական և ասորեստանյան արքաները Միջերկրականը կոչել են «Մեծ ծով» և ոչ թե «Վերելի ծով»։ Ահա այս մասին Ասորեստանի արքա Շամսի-Ադադի մի հիշատակությունը. «...Իմ մեծ անունս և իմ հուշակոթողս ես կանգնեցրի Laban երկրում Մեծ ծովի ափին»⁶։

Վերոհիշյալ տվյալները ցույց են տալիս, որ «Վերելի ծով» արտահայտությունը կարող էր նշված լինել միայն Վանա լիճը։

Այս եզրակացությանը հանգեցինք լոկ տրամաբանական հետևություններից, բայց, բարեբախտաբար, ունենք սեպագիր կոնկրետ վկայություն-տվյալներ, որոնք հավաստում են, որ «Վերելի ծով» արտահայտությամբ նշվել է Վանա լիճը։

Եփրատ ու Տիգրիս գետերը միջագետքյան ժողովուրդների կյանքում տրևատեսական մեծ դեր են խաղացել և միաժամանակ եղել են պաշտամունքի առարկա։ Այսպես, օրինակ, սումերներն իրենց ջրի էա աստծուն (որի տաճարը գտնվում էր էրիդու քաղաքում) պատկերացնում էին ձեռքում բռնած մի սկիհ, որից հոսում ու գետին էին թափվում ջրի երկու շիթեր, որոնք խորհրդանշում էին Միջագետքի սրբազան զույգ գետերը։ Միջագետքյան ժողովուրդները այս պատկերի մասին հորինել էին բազմաթիվ առասպելներ։ Այս գետերի հեռավոր ակնադրյուրները և դրանց բխեցնող հյուսիսային լեռնաշխարհը նրանց համար ունեին առեղծվածային խորհրդավորություն՝ որպես առասպելական գանձերի երկիր, որպես աստվածների բնակավայր հանդիսացող լեռների աշխարհ։ Միաժամանակ, այդ լեռները հարուստ էին անտառանյութով, որից զուրկ էին Միջագետքի ընդարձակ տափաստանները։ Այդ անտառանյութը կարելի էր հեշտությամբ տեղափոխել այս մեծ գետերով՝ հոսանքն ի վար։

Հետևաբար, կասկած չկա, որ այս արքաները պիտի ձգտեին թափանցելու Եփրատի ու Տիգրիսի հոսանքն ի վեր՝ դեպի «Վերելի երկրները», դեպի այդ գետերի ակնադրյուրները, ուր և գտնվում էր «Վերելի ծովը»։ Ահա թե ինչ է գրում Սալմանասար III-ը (858—824 թթ. մ. թ. ա.). «...Իմ գահակալության 15-րդ տարում ես առաջացա դեպի Տիգրիսի ու Եփրատի ակնադրյուրները, ես դրոշմեցի (քանդակեցի) իմ արքայական պատկերը նրանց ժայռերի վրա»⁷։

⁵ Նույն տեղում (այս և հետագա ռեզերային ընդգծումները մերն են—Մ. Գ.)

⁶ D. Lukenbill, Ancient Records of Assyria and Babylonia, Chicago, 1927, p. 17.

⁷ Նույն տեղում, էջ 205։

Ասորեստանի աշխարհակալ արքաները հաճախ նաիրյան երկրներին անվանում են «Վերևի երկիր», հաճախ էլ գրում են. «զնացի դեպի վերև՝ դեպի նաիրի»։ Ահա մի հիշատակություն Շամսի-Ազադ Մ-ից (823—810 թթ. մ. թ. ա.), «իմ առաջին արշավանքի ժամանակ զնացի վերև՝ նաիրի դեմ, տուրք (բաղկացած) լծի վարժեցրած ձիերից ես ստացա բոլոր արքաներից նաիրի...»⁸։ Հետևաբար պարզ է, որ «Վերևի ծովն» էլ պիտի գտնվեր «Վերևի երկիր» կոչված նաիրի երկրներում։

Այս իրողությունը պարզ երևում է Թուկուլտի-Ուրտա I-ի մի արձանագրությունից. «Թուկուլտի-Ուրտա՝ արքա տիեզերքի, արքա Ասորեստանի, արքան (աշխարհի) չորս շրջանների, արևը բոլոր ժողովուրդների, արքան հզոր, արքա Քարգունիաշի (Բաբելոնի), արքա Սումերի և Ակկադի, արքա Վերևի (ու) ներքևի ծովերի, արքա լեռների ու լայն դաշտերի (անապատի), արքա Շուբարիի (ու) Կուտիի և արքա բոլոր նաիրի երկրների, արքա, որին աստվածները հասցրել են իր սրտի ցանկություններին (գր. Հադթանակի)...»⁹։

Այս արքան իրեն կոչում է «արքա Վերևի ու ներքևի ծովերի»։ Մի՞թե կարելի է «Վերևի ծովի» տակ Սև ծով հասկանալով ընդունել, որ Թուկուլտի-Ուրտա I-ը իրեն կոչում է Սև ծովի եզերքների երկրների արքա։ Իհարկե ոչ։ Նա որոշակիորեն թվարկում է այն երկրները, որոնց արքան է համարում իրեն։ Թուկուլտի-Ուրտա I-ը իրեն «արքա Վերևի ու ներքևի ծովերի» անվանելուց հետո նույն միտքը կրկնում է այլ ձևով. «արքա լեռների ու լայն դաշտերի (անապատի), և ապա այդ միտքն ավելի կոնկրետացնելով գրում է. «արքա Քարգունիաշի (Բաբելոնի), արքա Սումերի և Ակկադի»։ Բացի այդ «լեռների» և «Վերևի ծովի» տեղերն ավելի որոշակի դարձնելու միտումով գրում է. «Արքա Շուբարիի, Կուտիի և բոլոր նաիրի երկրների»։ Ինչպես տեսնում ենք այստեղ «Վերևի ծով» ասելով Սև ծով հասկանալը կլինեի անհեթեթություն։

«Վերևի ծովի» տեղադրությունը ճշտող կոնկրետ տվյալներ կան նաև նաիրյան երկրների արքաների զինակցության դեմ Թիզլաթ-Պալասար I-ի (մոտ 1100 թ. մ. թ. ա.) կատարած հաղթական արշավանքի մասին թողած արձանագրության մեջ։ Այնտեղ մասնավորապես ասված է. «...Այդ ժամանակ հռչակված հզորությամբ Աշուրի... քայլեցի դժվար ճանապարհների վրայով և սրաթեք անցքերի միջով, որոնց ներսերը (սիրտը) նախկին օրերի ոչ մի արքա չգիտեր, դեպի երկրները հեռավոր արևմտների, որոնք Վերևի ծովի եզերքներում են և որոնք բնավ չգիտեն հպատակություն... անցա... տասնվեց հզոր լիոներ իմ մարտակառքով, որտեղ երկիրը լավ էր, և որտեղ այն դժվար էր՝ ես տաշեցի իմ ճանապարհը բրոնզե կացիներով։ Ուրումի ծառեր, ծառեր լեռների, ես կտրեցի, շինեցի ամուր կամուրջներ անցման համար իմ զորքերի և անցա նփրատը... 23 արքաներ նաիրի երկրի հավաքել էին իրենց մարտակառքերն ու բազմություններն իրենց երկրների և հառաջացել էին պատերազմելու և դիմադրելու։ Մոլեգնությամբն իմ սոսկալի զենքերի հարձակվեցի նրանց վրա և բերեցի կործանում նրանց լայնասփյուռ զորքերին... 60 արքաներին նաիրի երկրների, ինչպես և նրանց, որոնք եկել էին սրանց օգնության, հալածեցի ծայրով իմ նիզակի անգամ դեպի Վերևի ծով։ ...Իմ ձեռքերը ձերբակալեցին բոլոր արքաներին նաիրի երկրների, ես գթացի այդ արքաներին ու խնայեցի նրանց

⁸ Նույն տեղում, էջ 255։

⁹ Նույն տեղում, էջ 50։

կյանքը... Ես նրանց ազատ թողեցի...: Սիենին՝ արքան Դայանի երկրի, որը չէր հանձնվել Աշուրին՝ իմ տիրոջը, ես բերեցի կապված ու գերի. ես գթացի նրան, ազատ արձակեցի...: Իմ այս արշավանքի ընթացքում ես փայլեցի Միլիդիա ֆաղափի վրա, որը Հանի Գալատ երկրում է... Նրանք սարսափեցին իմ պատերազմական հզոր շարքերի մերձեցումից և փարվեցին իմ ոտքերին. ես գթացի նրանց և չգրավեցի այդ քաղաքը...»¹⁰:

«Վերևի ծովի» տեղագրության մասին սրանից ավելի որոշակի ու կոնկրետ վկայությունն ավելորդ է. Թիգլաթ-Պալասար I-ը Նաիրյան երկրների մասին պարզ գրում է. «...երկրները հեռավոր արևմտի, որոնք Վերևի ծովի եզրերում են...»: Ինչպես տեսնում ենք, Թիգլաթ-Պալասար I-ը պարզ ու որոշակի նշում է, թե Նաիրյան այս երկրները գտնվում են Վերևի ծովի եզրեր-ներում: Եթե «Վերևի ծով» ասելով հասկանանք Սև ծովը, ապա պետք է ընդու-նենք, որ Նաիրյան երկրները գտնվում էին Սև ծովի եզրերներում՝ հակասելով զիտական ճշմարտությանը: Քաջ հայտնի է, որ Ուրարտուի արքաները իրենց կոչում էին արքա Նաիրի երկրի. մի՞թե Ուրարտուն գտնվում էր Սև ծովի ափին: Եթե Նաիրյան այդ երկրները գտնված լինեին Սև ծովի ափին, ապա դրանց արքաները ինչու պիտի անհանգստանային Թիգլաթ-Պալասար I-ի նվաճումն անցնելուց: Այսպիսով, միանգամայն պարզ է, որ «Վերևի ծով» ասելով հասկացվել է Վանա լիճը, որի շուրջ գտնվում էին Նաիրյան երկրները և դրա համար էլ Սալմանասար III-ը Վանա լիճը կոչել է Նաիրի երկրի ծով»:

Թիգլաթ-Պալասար I-ը Նաիրյան երկրներ է մտել անցնելով նվիրատր՝ արևմուտքից-արևելք: Ասորեստանի արքաներն աշխատել են իրենց ելման կետից (Աշուրից) նվիրատին մոտենալ կարճ գծով՝ մոտավորապես ամորիտ-ների մայրաքաղաք Մարիից (Սիրիա-Իրաք սահմանագծի նվիրատին հատող կետը) հարավ՝ կարճելով սիրիական անջրդի անապատով անցնող ճամփան: Նրանք այս տեղերից մերթ արշավել են Դամասկոսի չլամ Համայի երկրների վրա, մերթ էլ նվիրատ գետով բարձրանալով վեր՝ հարձակվել են Հաթի (Կար-քեմիշի) երկրի դեմ: Թիգլաթ-Պալասար I-ը Նաիրյան երկրների դեմ արշա-վանք սկսելիս արդեն գտնվում էր նվիրատի արևմուտքում: Նա գրում է, որ այս արշավանքի ընթացքում անցել է նվիրատից արևմուտք գտնվող Միլիդիա-յի (Մալաթիայի) կողքով, առանց այն գրավելու: Նա նաև նշում է, որ Նաիրի մտնելու համար անցել է 16 լեռներ, որտեղից կտրել է ուրումի ծառեր՝ նվի-րատի վրա կամուրջ շինելու համար: Սա ցույց է տալիս, որ նա արևմուտքից նվիրատին մոտեցել է Հայկական Տավրոսի արևմտյան թևի (Միլիդիայից հա-րավ, նվիրատից արևմուտք գտնվող) լեռներն անցնելուց հետո: Թիգլաթ-Պա-լասար I-ը Միլիդիայի մոտով անցել է նվիրատի վրայով Նաիրի մտնելուց առաջ և չի հիշատակում, թե Միլիդիային մոտեցել է Նաիրյան երկրներից վերադառ-նալիս, այլ նշում է, թե Միլիդիային մոտեցել է արշավանքի ընթացքում: Իհար-կե, նա Նաիրյան երկրներից գրաված մեծ ավարը և բազմաթիվ գերիները Աշուր տանելու համար չէր գնա Նաիրի երկրներից դեպի արևմուտք՝ դեպի Միլիդիա, մի քանի անգամ երկարացնելով ու դժվարացնելով իր վերադարձի ճամփան: Պարզ է, որ նա Միլիդիային մոտեցել կամ նրա կողքով անցել է Նաիրյան երկրներ մտնելուց առաջ: Հետևաբար, նա նվիրատը պետք է անցած լինի Միլիդիայի շրջանում՝ Արածանի-նվիրատ գետախառնուրդից հարավ: Իհար-

¹⁰ Նույն տեղում, էջ 80—82:

կե սխալ կլինե՞ր կարծել, թե Թիգլաթ-Պալասար I-ի Եփրատ կոչած գետը Արածանին է, քանի որ վերջինս սեպագիր արձանագրություններում կոչվել է Արզանի:

Այսպիսով, Թիգլաթ-Պալասար I-ը Եփրատն անցել է Միլիգիայի հյուսիսից: Գրուշուք լճի մոտով առաջանալով դեպի արևելք, ինչե գյուղից վեր՝ Տիգրիսի Սուբնատ ճյուղի ակնաղբյուրների շրջանում, նա թողել է արձանագրություն: Արևմտաքից՝ Եփրատի կողմից, թշնամու գալուստի մասին տեղեկացած Վանա լճի եզերքներում գտնվող նաիրյան երկրների արքաները միացյալ ուժերով դեպի արևմուտք՝ Արածանին զուգահեռ գծով, ընդառաջ են եկել Թիգլաթ-Պալասար I-ին, բավականին հետ թողնելով Վանա լիճը: Դրա հաջար էլ Թիգլաթ-Պալասար I-ը ասում է, թե նա 60 արքաներին հալածել է դեպի «Վերևի ծով», այսինքն՝ հալածել է մինչև նրանց ելման կետը և կենտրոնը հանդիսացող Վանա լիճը: Այսպիսով, նա հասել է Մանազկերտի շրջան, բայց Արածանիից վեր չի անցել:

Ահա այս է ամբողջ իրողությունը, որով հերքվում է այն անհիմն կարծիքը, թե «Վերևի ծովը» Սև ծովն է:

Մեր այս փաստարկումներից սխալ եզրակացությունների հանգելը կանխելու համար ասենք, որ բնավ չենք մերժում խորրի-հայական երկրների՝ մինչև Սև ծով տարածված լինելու մեծ հավանականությունը: Այդուհանդերձ, ակնհայտ է, որ Սև ծովը չի առնչվել ո՛չ սումերա-ակադական և ասորեստանյան արքաների ճանաչած նաիրյան երկրների և ո՛չ էլ «Վերևի ծով» տերմինի հետ:

ЛОКАЛИЗАЦИЯ «ВЕРХНЕГО МОРЯ»

МАРТИРОС ГАВУКЧЯН

Резюме

В клинописях шумеро-аккадских и ассирийских царей часто встречается термин «Верхнее море».

Некоторые ученые под названием «Верхнее море» подразумевают озеро Ван, другие—Черное море, а Л. Кинг считает, что это Средиземное море.

В надписях шумерского царя Лугала-Загиса, ассирийских царей Салманасара III и Тукульты-Урты I, и в особенности в надписях Тиглатпаласара I о походах в наирийские страны имеются прямые указания, не оставляющие сомнений в том, что термин «Верхнее море» обозначает озеро Ван.